

泰興縣志校卷五上

人物志第五之一

選舉表

宋進士表潘氏八人考乾隆江南通志潘熙作潘頤而無
潘頤潘顛誤作潘顛云泰州人康熙揚州府志潘頤潘晬
均誤作泰州人其後嘉慶揚州府志始據嘉靖惟揚志校
正之焉

潘頤潘顛元豐二年己未時彥榜康熙志則作三年以李
燾續資治通鑑長編考之知縣志是而康熙志非也

乾隆通州志表據乾隆江南通志增入姜獵縣志從之不

泰興縣志校卷五上

知江南通志已有自相矛盾處其於大觀戊子榜之姜索

慶元丙辰榜之姜濟時均作泰州人考嘉靖惟揚志惟揚志未

見據嘉慶揚州府志所引索獵之子濟時獵之玄孫是獵實非泰興人

應刪

明薦辟表御史中丞朱寶明宣撫史朱佑一左丞相朱佑
三皆據朱氏宗譜增入惟徽猷閣待制朱十一僅見於康
熙志其他無可實證昔何萱撰道光志略以李儼名不載
明史七卿表而於舊志儼傳猶云疑莫能明以俟知者其
秉筆似校顧氏為審慎也

元鄉貢表李儼按人物志傳云舉元至正四年鄉試考康熙志本列鄉科而

李氏族譜大司寇儼公傳亦有中至正四年甲申科鄉貢進士之語按元史選舉志舉人從本貫官司推舉於行省凡考試中選者皆謂之舉人於次年二月赴會試王世貞弇山堂別集六部尚書表國權卿二表皆以儼為故元進士或儼已於會試中選登至正五年乙酉張士堅榜與元進士表朱正言朱尚二為康熙志所未載蓋據朱氏宗譜增入其於薦辟所增列朱氏數人亦然

元薦辟表朱勝四朱受七朱忠一朱忠七朱忠四朱忠五朱克章皆康熙志所未載

惟朱克章已見乾隆通州志

康熙志有朱德

四而縣志則無之縣志之朱寧一朱富一康熙志則作朱

泰興縣志校卷五上

一一

寧朱富

乾隆通州志及嘉慶志作朱寧一朱富

蔡濟檢校尚書按元代無此官辨見人物志校篇

明科貢表朱貞江寧貫天順丁丑進士此亦康熙志所未

載考明進士題名碑錄朱貞南京旗手衛籍乾隆江南通

志亦作應天人縣志增入志表據朱氏宗譜一馮序也朱

潤身江寧貫嘉靖人壬戌進士此則康熙志載之考明進

士題名碑錄朱潤身應天府江寧縣匠籍乾隆江南通志

進士表亦作江寧人而於舉人表兩列其名一云江寧人

一云泰興人甚謬又按奚世亮泰興縣北城水關記碑陰

有舉人朱潤身題名

碑立於嘉靖四十年在壬戌之前

朱南雍許公祠遺

者

校

愛碑記

祠今存

為隆慶五年兵部職方清吏司主事邑人朱

潤身篆額據此知潤身實為泰興人矣

考一馮譜序貞潤身皆自泰遷南京

乾隆江南通志表有袁應祺云泰興人萬厯甲戌進士考

明進士題名碑錄袁應祺揚州興化縣軍籍康熙揚州府

志亦作興化人縣志不據以增入蓋已知其誤矣

表列李氏凡十四人明李承式承式子植杜柄皆進士楫

舉人樞賢良方正知縣植孫湘知縣曾孫宗孔清進士湘

子宗說舉人宗孔子錦進士鑰舉人錦子夢昺進士肇軫

舉人鑰子同聲舉人考康熙志無柄楫樞湘同聲夢昺此

六人當是據李氏族譜增入

此族譜與上紀李儼者非一書二李氏不同族也

而

泰興縣志校卷五上

三

以後之康熙雍正兩揚州府志乾隆江南通志諸書所載

其人里貫多與縣志岐異康熙揚州志承式植杜柄皆山

西籍江都人楫江都人山西中式宗孔宗說鑰錦皆江都

人而無樞湘雍正揚州志夢昺同聲

按同聲列薦辟類

皆江都人

而無肇軫江南通志承式植杜皆泰興人柄

按柄誤作炳

錦皆

江都人宗孔宗說鑰皆揚州人而無楫樞湘肇軫夢昺同

聲今以明進士題名碑錄李維楨大泌山人集李方柏家

傳校之知各志所載雖有異同其實皆不誤也家傳云承

式需中人宋毘陵福五公居江淮間為泰興李明初忻州

同知信免官家代龍門遷雲中為雲中李五傳英英第四

子為承式承式白父宜南徙未行父歿承式以江都邇泰

興定居焉為江都李

明史李植傳云父式徙居江都

據此知承式志在不

忘具祖故雖居江都而自署為大同籍泰興人

過庭訓本朝分省人

物考植傳亦云承式子泰興人

考題名碑錄承式植但書大同縣民籍而

植弟杜則書大同縣民籍泰興人蓋碑錄於承式植里貫

未及詳載以杜證之而可知也

嘉慶志選舉表謂宗孔因入學時撥入揚州府學故

揚州郡志誤為揚州人此望文生義之語

而鑰子同聲錦

子肇軫夢昺仍皆以大同貫山西中式則猶是承式不忘

其祖之遺意也縣志悉以承式子孫隸之泰興似亦不為

過矣

王禮宣德丙午舉人蓋據乾隆江南通志按康熙志作宣

德乙酉乃己酉之誤乾隆通州志改列四年是也

注云省志缺誤

江南通志之改列元年似未可信

韓斐正統甲子舉人按康熙志無韓斐考康熙揚州府志

乾隆江南通志皆列斐於正統丁卯云泰州人不知縣志

何故采入而並移其年也

唐濬康熙志及乾隆通州志皆作唐濬惟乾隆江南通志

與縣志同

何樟成化庚子舉人考何氏家乘何斐兄繩之行狀云隨

父遊京師補順天府學弟子員成化庚子得舉於京闈是

樟以順天籍中式北榜也又按康熙志樟官浙江都司斷事而縣志改稱應天府推官以行狀校之則樟本任推官以事左遷都司斷事耳

蔡勣何金聲張豸康熙揚州府志乾隆江南通志皆誤作泰州人載祐通志祐誤作祐周祚長嘉慶志祚誤作祥萬厯丁酉戴思敬天啟辛酉戴思敏蓋據乾隆江南通志考康熙志有思敏無思敬其鄉舉年則為萬厯丁酉是敬當為敏之誤字觀志表所載舉人戴思聰歲貢戴思誠戴思兼貢監戴思孝戴思睿戴思緝無一同偏旁字者可證江南通志往往以一人兩列縣志則又承其誤耳

是

崇禎朝李默在丙子李黯在己卯考康熙志李黯在丙子而無李默乾隆通州志李默亦在丙子注云省志作李黯李默李黯實為一人縣志之分為二亦承乾隆江南通志之誤然江南通志於李默作泰興人而於李黯作揚州人康熙揚州府志亦云李黯揚州人而無李默考陳士龍華王廟碑記有鄉紳李黯實為泰興人其作默者誤也縣志於此疑義一不審辨而遽並列之其失較江南通志為甚

貢生季斌注云嘉慶志作李斌誤考康熙志季本作李非始於嘉慶志也

按康熙志貢表姓名與縣志異者吳璘作吳琳王傳作王

溥李侁作李洸葉鶴作葉鶴季五奎作李五奎戴謹作戴
瑾與戴氏家譜合又戴從禮考家譜作戴宗禮康熙志及
縣志皆誤

李鎬宜王府教授康熙志作博平訓導張豸崇禎戊辰拔
貢康熙志作天啟丁卯貢李五奎己卯拔貢張受壬午拔
貢康熙志皆云歲貢而乾隆通州志云張受廷試第一是
受實為拔貢矣

明勳階表朱縑康熙志作朱林唐元茂注雲南巡檢而乾
隆通州志武略表云元茂元間良元帥後仕明殷克昌殷
成縣志皆繫之成化朝考殷氏家譜克昌於洪武朝選拔

人才累遷福建尤溪縣主簿乃殷成之遠祖表以之同列
一時誤也

朱安二亦見靖江縣志選舉表云以人才薦任台州檢校
擢揚州知府

武選表材勇蘇寧縣志繫之洪武朝按乾隆通州志云洪
武三十五年寧以克蘇州功授百戶是為歲實建文四年
清科貢表朱天榮康熙乙未進士乾隆江南通志嘉慶揚
州府志皆作江都人康熙揚州府志作羅天榮戊戌進士考清進士題名碑
錄正作江都縣人然天榮為朱人特之孫青選之弟實為
泰興人不知碑錄何以題江都也

為

季昌齡官寧夏道康熙志作大理寺丞

張循陔乾隆江南通志作揚州人循陔為張寬之子江南通志所紀父子異貫以乾隆通州志考之則循陔本府學生員也

匡襄恩貢康熙志作歲貢戴清順治丙申拔貢康熙志作乙未戴垣康熙丙寅拔貢乾隆江南通志作乙丑蔣光祖雍正己酉拔貢江南通志作戊申

勳階表附錄應例非實官者李右泉泉當作原蔡桂棠棠當作崇均據徵訪稿

宋元明人列傳

宋史顧昕

昕原作忻按廖用賢尚友錄從史傳作忻

孫益皆有傳昕在孝義

益在忠義昕見并見輿地名勝志縣志紀昕先世乃據顧氏族譜補入史傳但云十歲喪父而已

宋顧昕潘及甫孫益明翟善茅大芳張羽均見乾隆一統志其謂及甫為江都人者誤

潘及甫少師胡瑗瑗妻以女弟一節見嘉靖惟揚志丁寶書補輯安定言行錄引其文云聞胡瑗倡學於湖往從之瑗見其文喜曰非諸生比也遂補學職妻以女弟其說較

縣志為詳

按劉宰漫塘集艾謙墓志云泰興大夫杜士英以鄉先生為後進師士英事蹟無考附職於此

元蔡濟尹本縣官至揚州路總管檢校尚書子夢祥仕亦

喪事

宰

至父官考萬厯志選舉表注濟宋咸淳中授承信郎元尹
 本縣兼判江都而虞集蔡孝子詩序則稱濟為泰興尹泰
 州監史皆未言其為揚州總管惟明呂原饒州知府張公
 墓志見張氏家乘有室人蔡氏元總管蔡夢祥女孫之語亦未
 言及濟任是官也至檢校尚書之名尤謬按通典文獻通
 考皆云唐始置檢校試攝判知之官皆是詔除而非正命
 宋因之史所書檢校太師至檢校各部員外郎皆是其官
 尚書者稱檢校某部尚書不能但云檢校尚書也元代則
 無此制矣考元史百官表中書省掾屬有檢校官四員正
 七品掌檢校左右司六部公事程期文牘稽失之事又各

行中書省屬官有檢校所檢校一員從七品濟曾否歷此
 官亦無明文可證縣志之稱檢校尚書由於誤信蔡氏族
 譜戴光藜序之說按蔡氏族譜有乾隆時戴光藜序云濟以征倭寇功遷檢校尚書序謂
 濟以征倭寇功得擢是官不知史載元世祖兩征日本一
 至元十一年洪茶邱之役矢盡掠野而歸一至元十八年
 范文虎之役至喪全師十萬人有何戰功之可言據虞集
 詩序所言濟不過率鄉人渡江迎降於張弘綱軍以是洊
 歷縣尹耳按元史張弘綱傳弘綱襲鎮江陰以功授昭勇大將軍河南諸翼征行萬戶元文類虞集萬戶
 張公廟堂詩序云大德辛丑昭勇大將軍河南征行萬戶
 鎮通州張公以其兵從征緬甸死之通人作廟以祀公而
 康熙通州志云弘綱嘗自江陰移鎮通州卒諡武定通公
 立祠祀之號張武定公祠然則詩序謂濟迎河南武定公

是

駙

瀟復

族

軍當為張弘綱軍又廟堂詩序謂弘綱以成宗大德五年
 殉節而蔡孝子詩序則作於仁宗皇慶以後其時弘綱卒
 已十年餘故追稱其諡而曰武定公軍也其草莽私乘作
 武定安軍者當其誤字考元史兵志既無此軍名揆之文
 義殊不可通元文類因易為武定王軍而徧檢諸王表及
 列傳亦無河南武定王其人自以改為公為得實耳惟
 元史弘綱傳又云諡武宣與通州志不同今光緒州
 志於諡亦改從之史傳而仍稱張武定祠未知孰是

蔡夢祥以父濟功尚主授騎馬都尉此事極為無稽萬厯

康熙嘉慶諸志及康熙揚州府志乾隆通州志皆未之載

顧氏修光緒通州志亦無是說縣志始據蔡氏族譜所載

明祭酒吳源蔡都尉傳增入之明吳源有三一見明史太

輔官弇山堂別集四輔表云莆田人洪武初舉明經耆儒

授國子司業未幾卒官一見錢謙益列朝詩集字叔潤閩

泰興縣志校卷五上

九

縣人永樂十六年進士官塗知縣一見康熙通州志選
 舉表通州人宣德元年舉人官登州知府此作傳之吳源
 究不知何人考蔡氏族譜稱祭酒吳源似是洪武時人然
 源官司業而非祭酒檢弇山堂別集祭酒表亦無源名縣
 志引源傳而略其祭酒之官或其意欲以通州之吳源當
 之與又按明史藝文志有吳源至正近記二卷託素齋集
 八卷王圻續通考亦云至正近記司業者以正為元順
 此吳源當為元末明初人疑即官業者以正為元順
 帝紀年謂之近事必當時紀事之矣其說實始於明代觀
 書也惜其書久佚不傳無可考證矣

陸光祖王穉登兩慶雲寺碑記皆有邑駙馬都尉蔡夢祥

語惟光祖文以夢祥事繫之宋咸平二年穉登文則云夢

祥蓋宋駙馬都尉則皆心知元時漢人南人必無尚主事

也元史諸公主表云元室之制非勳臣世於及封國之君

則莫得而尚主續通典禮典篇云元制凡駙馬尚主率封

阿

王此豈一降人之子所得與者傳略謂其以父功尚主則
 征倭寇既無其事而率縣民以迎王師後但以戰功授尹
 本邑其勞亦僅矣諸公主表所列各公主均有封號名字
 其駙馬襲封爵者詳載特薛禪等列傳元史類編所載公
 主傳甚詳駙馬則皆附本傳亦均無夢祥及其妻名號傳略
云夢祥尚月總公 食貨志云凡諸王及后妃皆有食采分
主封駙馬都尉 地所載附昔倫公主塔出駙馬等以下賜戶采地無泰興
 也傳略稱泰興為公主湯沐邑不知史載至元十三年九
 月中書左丞相阿朮以定揚州功實封泰興二千戶事具
 元世祖本紀及阿朮傳烏能以一地同時賜二人為食邑

乎縣志據傳略以夢祥為揚州路總管與蔡孝子詩序所

稱夢祥以宣命為河南投下總管語合元史地理志揚州路屬河南江北行

中書省 考元史選舉志諸王駙馬分地及湯沐邑謂之投下

其總管以下皆為屬官是駙馬之尊必不能降官總管可

斷言也據是說或揚州嘗為元代駙馬之分地及湯沐邑

而夢祥隸其投下為總管以此致傳訛與按元史虞集傳

伍真父者賞產甲一方娶諸王女為妻充本位下郡總管
 考續通典云元制其宗王之女皆稱公主以伍真父事例
 之或夢祥所尚亦為宗王之女故所授官
 亦為郡總管然他無可徵存之姑備一說 傳略又云今延

祐觀慶雲寺皆主所捨宅考延祐觀建於宋徽宗崇寧四

年見薛亨高張聽碑記慶雲寺建於宋真宗咸平二年見

陸光祖王穉登碑記今碑石具在歷歷可考不能誣也縣志於夢祥孝行言之不詳其稱明天啟中表其門曰孝義蓋顧氏修光緒通州志時知乾隆舊志之稱裕宗朝為謬誤而改易之考元史裕宗為世祖嫡子先世祖薨廟號則成宗時所追諡是元無裕宗朝也但此誤始於萬厯志乾隆通志則沿其訛耳然亦不審其所據何書以蔡孝子詩序考之而知縣志之亦未為得也詩序云夢祥父沒廬墓三年刻木象事之母沒亦然有司上其事朝廷再表其門曰蔡孝子之門為時當在仁宗皇慶延祐之間以集序末署官太常博士推知之集與夢祥生同時仕同朝其序中叙其父子行履甚悉於萬祥尚主事並未及一字可以息紛

泰興縣志校卷五上

紛之喙矣

按張氏家乘載宋拯撰張忠妻蔡宜人墓志云高祖德敷惇孝友宋南渡後旌表其門曰孝義

之門曾祖宗彝以武勲仕元至總管德敷疑為夢祥父濟之字宗彝疑為夢祥之字或在宋末濟已先以孝旌故虞集序中有朝廷再表其門之語家乘又載呂原撰張忠墓志云室人蔡氏元總管蔡夢祥之女孫是宗彝與夢祥為一人似較可信其曾孫而曰女孫者此蓋文家簡舉之辭惜蔡氏族譜以遭變闕佚散亂難以校證耳家乘又載喬舉撰張羽母蔡太孺人墓志云先世元有為總管者而不亦必謂夢祥可知宋呂兩墓志皆不言蔡世姻所云總管戚喬墓志叙蔡太孺人家世但謂其唐宋時稱宦族亦不潛州乘資載明孝宗朝泰興有皇親蔡麟祥不知是何戚

於此附記

李儼元時充通贊官明初授都督府斷事此沿嘉慶志之誤考康熙志及乾隆通州志皆以儼官通贊斷事為洪武

惟

作

興

考明

固

宰

時事與李氏族譜所載儼傳合為儼傳稱洪武元年選授

通贊官二年陞寶慶衛知事三年轉大都督府都事其任

都事不在元年考明史職官志都督府有都事而無斷事

各志所斷事者誤也道光志略以明史七卿表無李儼名

為疑不知表始洪武十三年而儼官尚書在洪武六年由

何氏未見弇山堂別集之六部尚書表國權之卿二表故

也又李氏族譜有明弘治時同邑王溥序稱儼當塗縣民

籍娶泰縣朱氏卒官生子三珪璽琳遂以骨櫬歸徙居泰

興依舅氏而葬於姜溪之原因家焉始為泰興人

譜載洪武五年

戶帖云太平府當塗縣延福鄉二十九都民戶李儼

據此說是儼本非泰興人然

泰興縣志校卷五上

十二

一統志故云儼籍泰興王世貞談遷兩表亦已作泰興人

矣

國權於戶部表作泰興而於刑部表則作大興乃字誤也

明代邑李氏兩達官既非

一族又皆為僑人亦異聞也

茅誦送朱景序希董堂集不載縣志據朱氏宗譜采入景

之少宰德容朱公壙志亦出宗譜

宗譜引朱景雪江集作從兄觀壙志此集今不

見可考乾隆江南通志景附常屬吳肇傳云靖江人又有朱

容字德觀亦靖江人其名字與壙志互異又按靖江縣志

兩人均有傳容在宦績景在儒學而江陰縣志亦有朱觀

傳云字德顯

縣志見他書避作容

此則與壙志合也又觀有弟安七

死靖難之役縣志亦缺不書尤非

翟善明史附陳修傳縣志所載皆本傳中去注云史傳作

起家選司按本朝分省人物考有善傳亦云授吏部文選

主事志又載善坐事降知遵化注云舊乘作宣化按康熙

志不載善降官事縣志所稱舊乘謂嘉慶志也考弇山堂

別集六部尚書表載善以洪武二十六年任吏部尚書二

十八年貶宣化知縣仍以從明史作宣化為是按分省人物志云以

事免歸其說亦與史異

茅誦謁孟廟遺梅殷二詩儲巔輯希董堂遺集均未收入

說詳後志餘校談逸篇其陝西鄉試錄序則在集中也縣

志載誦四子長彭及家人自沈於井次延明斌論誅妻張

泰興縣志校卷五上

二孫勝昱俱逮繫死按康熙志作誦妻及子顛頤家僮道

壽文孫並論死乾隆通州志據之嘉慶志作子永順文孫之孫

生作餘同前志永者因避廟諱而改順則頤之誤字也顧氏

修光緒志通州未知校改而沿其誤及修縣志乃並誦之

子孫悉改易其名縣志蓋據茅氏譜此茅氏為他縣籍其言不可信而證之史家

傳記無一合者考明史茅大芳傳傳子順童道壽俱論誅

二孫死獄中鄭曉朱國楨兩遜國臣傳皆云順童道壽皆

死幼子文生亦生誅二孫添孫歸孫斃獄中名山藏臣林外紀亦同且

謂文生後三年乃誅死惟二孫無名本朝分省人物考則

云順童道壽戮死幼子文生於永樂四年亦受誅而不及二孫王鴻緒明史稿云子順童道壽并曉國楨皆明人熟

論死二孫死獄中而又不及幼子文生

掌故國應泰明史紀事本末據之以校史傳亦合宜從曉國楨所紀為得實又按希董堂遺集有遣子顥歸後感懷二詩是其子確有名顯者而史無其名史謂其子名順童道壽順與顥頤二字形皆近似疑有一誤顥疑顥頤為二子名順童道壽乃其子或竟為小字特無可考證耳至康熙志以道壽為家僮又似誤解童

字之義者已莫可詳究矣而茅氏譜之無徵不信則顯然

也又按孫奇逢畿輔人物考節義傳稱大芳大興人死義後其子扶柩葬北平城西北雖異聞實傳訛也

康熙志忠烈類有千戶王良嘉靖閒倭亂戰歿嘉慶志並及同時死難之良子及千戶鎮撫把總趙世勲韓盾考何栗忠義祠碑記良等本河南衛指揮部下毛兵奉令發泰

泰興縣志校卷五上

鎮守者非縣人縣志去之是也

張羽劾劉瑾地震兩疏皆在東田遺稿中志稱羽劾瑾疏上詔下錦衣衛獄按康熙志以下於此但云直聲震朝廷而已顧氏修光緒通州志時尚無此語且以證諸張氏家乘之張聽伯兄墓志東田遺稿之羽門人儲洵序知縣姚邦材申呈鄉賢事略亦皆未及羽下獄事不知縣志據何書增入考本朝分省人物考張聽傳中有時伯兄侍御公亦上書請斬逆瑾下詔獄兄弟直聲震朝廷語是羽下獄事固有所本然是事既為其弟及門人所未言恐亦傳聞之語且顧氏亦必非據自庭訓書也

張爐嘉慶志爐作罇縣志據張氏家乘改

何南金楊廷撰一經堂詩話云與張京元朱一馮稱三才子以其為同時同縣人也顧氏修州志據之易其文為延令三俊及撰縣志乃謂與泰州儲燿同邑張京元號淮南三俊考明史儲燿傳成化二十年進士正德中以南京戶部左侍郎卒官南金京元萬厯中進士距燿登第時已百餘年安從得此號也

何一本乾隆通州志選舉表云崇祀名宦

何震何氏家乘有其子芹孫行狀稱生崇禎十三年庚辰卒康熙五十八年己亥是震實為清代人且震以康熙十

載

二年後始補諸生銳志科名累試不第與縣志所稱遭世變不樂仕進者迥異志又云客如臯冒襄園聯裾羣彥極觴詠之樂考冒襄同人集既不載其一字其同時名流集中亦無及其名者惟家乘者朱青選贈詩一篇耳

何棐等傳後引王穉登曰一節全為萬厯志原文

縣志係據嘉慶

志采入康熙志知為萬厯志原文也並未參以己語考何一本何震歿年皆在萬厯志修成以後即不得羈入其名

李植明史有傳縣志所紀皆據光緒通州志校史為略且與本傳有不合處其言讀京山李維楨南昌王猷定諸傳

撫

誌考維楨大泌山人集李方伯家傳李氏族譜引之猷定四照堂集但有李母王太夫人壽序一篇無所謂傳誌者也

朱一馮巡檢福建鄭芝龍束身歸命按康熙志無此語考

文秉烈皇小識海寇鄭芝龍入寇閩撫朱一馮遣總兵洪

先春擊之大敗總兵俞咨臯望風先逃

周吉閩功謫略謂咨臯違一馮節制

致敗明史錢龍錫傳海寇中左犯所總兵官俞咨臯棄城遁

罪當誅帝欲併罪巡撫朱一馮龍錫言一馮所駐遠非棄

城者比罷職已足蔽辜是一馮幾以兵敗罹重譴惟熊文

燦傳稱芝龍嘗敗都司洪先春釋不追獲一游擊不殺咨

臯戰敗縱之走當事知其可撫遣使諭降之文燦至善遇

芝龍使為己用所謂當事似指舊撫一馮既因俞咨臯罷

職文燦遂以崇禎元年三月任閩撫

按吳應箕兩朝剝復錄一馮以崇禎元年

二月入察典

此招撫之當事應為一馮然芝龍之實非束身歸

命則事實具在也縣志之言皆據自朱氏宗譜所引之周

吉閩功摘略耳志又云一馮以閩不立魏忠賢生祠罷官

此則先見於康熙志按摘略明云一馮以病乞休惟國權

謂其以忤閹黨吳滄夫不安其位亦未言以不立生祠去

官也考福建無魏閹祠亦見李遜之三朝野記語不涉一

馮而兩朝剝復錄載天啟六年十月以朱一馮為福建巡

撫崇禎元年二月朱一馮等著看議來說又總叙二年京
 察以前處分各官削籍四十四人有朱一馮名夏變、剝復
 錄校正謂此為未定逆案前之南北二察據此是一馮實
 為黨案中人考諸續文獻通考經籍考續通志藝文略均
 有韓爌等闖黨逆案一書未之得見今所見文秉先撥志
 始載逆案無一馮名又國榘稱一馮嘗忤闖黨吳澹夫或
 一馮實與魏闖無係屬也按應庭吉青燐屑稱一馮虎踞
 灘田眾怨所歸顧炎武聖安本紀稱一馮多藏厚亡喪摺
 紳體又載馬士英請免籍一馮遺產是一馮固非正人然
 考國榘載給事顧繼祖言一馮才識並練請留閩撫御史

潘士遴劾一馮緩則擁節急則鼠竄當時已各異辭後人
 更難論定要之一馮以天啟六年十月始為閩撫崇禎元
 年二月已入察典居官僅及一年媚璫忤璫皆無徵實之
 處縣志已闕不建祠為一馮罷官原因必非事實據閩功
 摘略所記一馮在閩自有宦績一馮自著福寧定亂紀事
 二卷見澹生堂千頃堂兩
書目其若如康熙嘉慶兩志之與季愚庸並列名臣蓋不
書今佚
 得謂為信史矣乾隆江南通志乾隆通州志一馮均列宦
 續江南通志不載季寓庸州志則列入名

賢

季寓庸名在逆案見明史闖黨閻鳴泰傳及兩朝剝復錄
 三朝野記先撥志始諸書所言未必盡實亦不為無因朱

彝尊曝書亭集諸書朱氏且云職在國史未可因佞人之有後而隱其惡觀李氏族譜李振宜所為因是府君行略語多隱曲蓋實有難言之處矣雖然士大夫立身一不自慎雖孝子慈孫百世不能改也

季良眉康熙志以下無傳縣志據楊廷撰五山耆舊前集良眉感興詩自序增入按明袁弘道中郎全集有和朱非二山閒之作五律五首又偕朱非二人少林至初祖洞五律一首

于志舒何萱道光志略有傳其自注云此條據舊志刪潤之耳殆非事實也細詢父老志舒居鄉以殖利病民民毒之後與潘氏兩壻宿於別館民圍而火之僕有拳勇束志舒於背跳而出鬪且行乃免兩潘生燼矣今錄此節以寓勸懲之意且以見徵信之難也

戚世嵩等傳云從閩應元死江陰義士三十人莫知其姓氏按韓茨江陰城守記淮撫田仰檄朱公子惜張達兵三千渡江達與親信三十人登岸遇伏皆死達一名達善又名九達蓋即其人也城守記又云七月初五日迎原任典史閩應元初九日入城是時張達等已先敗沒縣志云從死者誤也查繼佐魯春秋載從閩應元死者有泰興李疇此則在義士三十人以下者

泰興縣志校卷五下

人物志第五之二

清初以來見舊志者列傳

季開生以言事謫戍尚陽堡縣志不載其疏考開生原奏

見順治朝東華錄此文豈可略也又按開生能畫影蘊璨

歷代畫史彙傳引藍瑛圖繪寶鑑纂稱開生自幼喜摹

仿宋元名蹟得子久三昧

徐樹丕識小錄季愚庸能書能畫而謂其官御史是誤以開生

為愚庸耳按姜紹書無聲詩史愚庸畫仿沈周而能登其堂書宗祝允明是愚庸實能書畫也康熙間張

庚作畫徵錄謂知其名而未見其蹟在清初蓋已不易得

矣泰興舊族陸氏藏有開生松石畫扇今歸縣人葛夢撲

泰興縣志校卷五下

一

之蘧廬

季振宜奏議今不可得其論河工苛派疏見康熙志藝文

篇振宜尚有請訓誡內閣劾大學士劉正宗題參尚書黃

機請停考滿四疏見順治康熙兩朝東華錄縣志於開生

傳注引振宜跋有兄喪歸余正幽錮西曹語初不解其何

說及檢開生出關草所載振宜書後篇幽錮西曹句上有

其時余正讐對閣老八字乃知振宜是時以奏劾劉正宗

案廷議方令其對簿也

季惇大傳全據崇川咫尺聞錄其季爾慶傳亦然陸鳳彩

康熙志藝文篇有宋生陸封君傳陸錫齡陸氏族譜有王

令樹陸公墓志皆縣志知所據本也

陸長華陳佩山西通志並有傳長華知五台縣定制五台山喇嘛飼馬費撥歲給糧銀一千二百兩官輒科派民間喇嘛恃勢橫索數常倍額之四五其司事首領曰典器有噴呐木元旦者強犯民婦不從憤死事聞長華東邀元旦來就坐上手禽之置諸法因詳革前弊民祠祀之佩知夏縣創建涑水書院於溫公祠旁聚生徒親課之長華事與縣志所載稍異佩事則縣志未載也

劉嗣季全采五山舊耆今集所引延令獻徵錄

張玉履康熙志及乾隆通州志兩選舉表稱其初任長子

泰興縣志校卷五下

一一

復補行唐清廉愛民俱有政聲

張茂枝亦出於康熙志藝文篇宋生張芝園傳

張洪材張家熹阮元淮海英靈集江蘇詩徵均有小傳

按洪

材縣志於傳目作宏材英靈集詩徵則均作宏才

封鄴全采今集所引一經堂詩話

朱鴛鷺使粵道卒康熙志選舉表云沒於始興縣易簣前一夕忽起坐謂從者曰吾明日某時逝矣果驗

朱腹松以清苑知縣任內承審建昌縣盜犯馬十等案延緩作供得罪見乾隆朝東華錄

潘在公見湖南辰州府志

又

誤

李登雲見崇川咫聞錄引延令雜志係出泰州張符驤之

依歸草

是書今刊入韓圖鈞海陵叢刻

李登雲尋母氏記記稱登雲先為

泰興人賣身於泰州陳給事家母更五嫁卒為無錫庖丁

妻登雲年三十四始與母遇後迎養久之仍歸無錫以終

云沈于蕃亦見崇川咫聞錄

戴汝鴻傳曾祖汝祥考戴氏家譜其人名宋祥作汝者誤字也

縣志篇末記紀箸諸人其爵里小傳載於各家總集者季

公琦已補立傳其見詩觀者有季靜

康熙志選舉表云靜兵部司捕司主事

見孫翔崇川詩集者有趙智洪蔡景

光緒通州志選舉表云景幼孤以孝聞工

泰興縣志校卷五下

三

詩古文辭

見淮海英靈集江蘇詩徵者有李敬修焉其他文人

才士名不見於縣志表傳而有文字流傳至今者若明之

李可敬見五山耆舊前集清之張之胤字殷瑞諸生即宋

生蓼溪怡雲集所稱能詩張燕生秀才也嘗與張國祺等

同編校康熙志

康熙志卷端有之胤題名

亦見五山耆舊前集

楊氏誤為明人

黃大文字帆山諸生吉汝源字禹宣諸生均見崇川詩集

黃勛字竹書一字貫筠戴與字文簡號寧齋均見江蘇徵

詩皆縣人之以詩名者也因類而識之於此

嘉慶以來列傳

何大年三反族子宅事與季惇大所撰大年傳不合傳但

輿詩

往

云歲飢有以田產售者如直與之而已惇大自言為大年內戚故知之詳無溢詞而未舉及反宅一節足證是事之不盡實矣

陳啟文會鞫東科爾寺案力持正論百無唯阿至下獄戍邊而不悔其返還文牘之載在退齋牘稿者至盈兩卷亦古今罕見志節之士也縣志以與同官齟齬五字了之無乃太簡

陳潮篆得李陽冰法按康有為廣藝舟雙楫云潮篆書思力頗奇又云如深山野番獷悍未解人理有為專作大言於陽冰且肆詆欺宜其不滿潮書矣

泰興縣志校卷五下

四

才

潮為都下三十二子之翹楚考楊亮世澤堂集陳東之家傳云是時都下有十二才子之目潮其一也亮在京師與

潮定交其言自較可信

按二知軒文存泰興三高士傳為何萱陳潮潘人麟其述萱潮及人

麟事皆與縣志同文存又有戴都司天保傳及書梁生一節已載縣志者

何萱志傳稱其與李兆洛龔自珍魏源並相友善於貽書之吳伯盃萱不知伯盃名書中稱為太守亦謂為萱之友人按萱潛居

家巷杜門撰述所著紅露山人集有與陳潮書言猥承諸賢時時齒及不知將來果得相見否且並柏盃及源係何鄉貫亦不知之然則是數人皆潮之友而於萱未嘗一謀

伯

面也

按吳伯盃名鼎臣順天進士官贛州知府王筠嘗從之問故見筠所著說文釋例

志

吳存義志傳悉據譚獻復堂類集吏部侍郎吳公行狀
尹高昌政熙兄子父政懋考尹氏家乘尹以智三子長政
熙次政懋是高昌乃政熙弟子也徐步高與張金華傳內
所稱之陳步高實為一人縣之陳氏族有支祖以徐姓為
後者今陳氏子孫仍與徐氏通族誼云
毛伯魚王冠五並見崇川咫聞錄及金榜海曲捨遺尚有
樊昭明縣未采入
曹岳見畫徵錄秦祖永桐陰論畫季應召堯堃均見畫史
彙傳汪東鍾見王豫羣雅二集褚章見道光志略其人皆
有名於時今均為之補傳焉

泰興縣志校卷五下

五

手

陳友岳善章草按張懷瓘書斷云漢史游作急就章解散
隸體簡略書之曰章草章草為草書之權輿蓋非習於篆
籀分隸不能為今之但解作草書者不得概謂之善章草
也陳名游岳今所存乎迹其署名處皆然縣志作友岳誤
也

甚

明代有芮天宇清張家熹之子述宗皆善書見縣志選舉
表注志略謂延祐觀額為天宇所書述宗則墨蹟流傳則
多云

僑寓之宋孔若罕見萬厯志藝文篇王逢馬洲書院序明
儲懔見懔所著柴墟文集王穉登見穉登所修萬厯志序

重

按江陰縣志載俞遠所撰梁益墓志泰興有陳觀迎益為師疾終于家益在元史儒學傳觀未詳

縣志以寓居慶雲寺而語其兄移書復寺者為陸光裕考王穉登修慶雲寺碑稱太宰弟孝廉客於泰興不言弟何名而光祖所為復慶雲寺碑記有萬厯丁丑先弟與舉人光宅過寺徘徊歸為余言之語是客泰興者為光宅非光裕

浙江湖州府志光祖兄弟四光祚進士光裕光宅皆舉人

且實非寓寺中也嘉慶志

但見穉登碑故意慶為光裕而縣志誤從之耳

清孫彝見宗彝所著愛日堂全集按宜興陳維崧嘗再至

泰興見所著湖海樓詩集縣志但附見於談逸篇中

按詩觀三

集有休寧陳瑞禴泰興同王樹人師二瞻吳方弘游季氏園林詩又周亮工因樹屋書影稱如臯黃經客死延令季

泰興縣志校卷五下

六

氏家又泰州鄧漢儀詩集有宿延令放生庵詩又宿柴墟竹隱庵詩汪之珩東臯詩存有如臯姜任脩柴墟岳王祠題壁詩如臯許嗣隆延令客舍與羊月生錢貢南封元李諸子言別詩通州范國祿十三樓稿有游延令諸詩丹徒李御灌花樓詩跋稱辛未客泰興朱西堂家是數人者皆嘗作客泰興其事跡不可考矣

縣志以方外分注所居之寺觀下今依地志通例仍與流寓藝術同列卷末其有校正者亦附記於此

僧法響唐時焚修於廣福寺寺後有池為其洗鉢處按法響本作嚮其人生梁陳之際先於廣福寺之建殆三百年說已詳前名蹟篇志注云里有虎害設齋召虎至杖其脛背由是絕跡此說本之萬厯志而靖江縣志又云法響居孤山座下有二虎聽經一日附舟渡江舟子索植法響以

值

宗度

袖中二貓與之登岸化為虎急追法響回虎背仍為貓此皆附會之談考績高僧傳及輿地紀勝皆以法響召虎說法為在寧海縣境事寧海今如臯也

道士吳太和事見康熙志及康熙揚州府志而嘉慶志之藝文篇載有陳述吳太和禱雨感應碑記

僧德溥工詩考淮海英靈集江蘇詩徵皆以德溥為通州人而孫翔琅五藏珍及崇川詩集則皆云泰興人住慶雲寺按藏珍詩集二書皆翔編翔本郡人所言自較可信德溥著有腰雪堂集慶雲寺舊有腰雪堂為寺中精舍題榜今尚存德溥既以是名其集其必久住其寺可知縣志以

之繫慶雲寺注是也

列女志第六

縣志依俗例用百家姓排比先後不雅馴殆未見王應麟之姓氏急就篇乎按古姓氏書之今存者有唐林寶元和姓纂其書部居用唐韻自宋鄧名世古今姓氏辨證以下皆循其例惟鄭樵通志姓氏畧分三十二類而於篇末仍列四聲今改縣志舊例以聲類姓而其次第則依廣韻以唐韻已佚故用元人之氏族大全例也

節婦前錄

張齏妻何氏事見康熙志及乾隆通州志王之復妻宮氏

妻

亦見乾隆通州志其宮氏自序一篇未檢得其出處

印朝鏡：張氏注載縣人李敬修印節婦詩并序敬修有願

齋集今不可得其辭載江蘇詩徵

節婦續錄

韓步文妻丁氏徵訪稿云即續錄之監生韓斐然妻丁氏

斐然步文字也縣志複列

王萬里妻吳氏王再章妻韋氏考王氏家譜吳乃韋之子

婦縣志先後倒置

徵訪稿所舉節婦年歲為縣志所失載者如續錄之生員

尹政懋妻黃氏妾朱氏一守節五十二年一守節六十四

年丁克昌妻黃氏守節二十九年今錄之生員沈冲繼妻

常氏守節六十七年徐翔妻朱氏守節五十年詹大同妻

王氏守節越六十二年為附識於此

貞烈孝義合錄

何有蘭：見何氏家乘錢維城何烈女有蘭墓志

陸蔭棠妻何孝女亦見家乘所載何爾壽孝女茝仙哀輓

序

才媛

李妍季嫻女蓋據光緒通州志按宮闈鏐庭聞州世說云

季靜妣適提舉李維章考季氏族譜季振宜因是府君行

女

略稱長女適興化李尚書思誠子廣東提舉司李長昂長女即嫻字靜妵維章則長昂字也嫻以泰興季氏女為興化李氏婦自可列為泰興人至妍則固興化李氏女矣江蘇詩徵云李妍興化人解受茲室然則妍之夫家亦籍興化安得更列之泰興也